



Празднование
Пресвятей Владычицы нашей
Богородицы и
Приснодевы Марии
ради иконы Ея, нарицаемая
«Казанская»,
яко в сей день
предстательством Ея бысть
прославлен преподобный и
богочестный отец наш Иона.
Память же сия творится
октября в дванадесят
вторый день

**Празднование Пресвятей Владычицы нашей Богородицы и Приснодевы Марии ради иконы Ея, нарицаемая «Казанская», яко в сый день предстательством Ея бысть прославлен преподобный и богоносный отец наш Иона. Память же сия творится октября в дванадцят второй день
НА ВЕЛИЦЕЙ ВЕЧЕРНИ.**

1-й антифон 1-й кафисмы. На Господи воззвах поставим стихов 8 и поем стихиры Богородице: Глас 8.

Высокий Царю Непостижимый, со Отцем седяи на престоле и Божественным Духом, благоволивый родитися на земли от Девы Неискусобрачная, Иисусе, ущедряя Твое создание, человеческое естество, неизреченными добротами, прими Твоей Матере приносимыя Тебе за ны молитвы и не помни беззаконий наших, но помилуй и спаси души наша, яко Милосерд.

Приклонив Небеса, Царь Славы сниде обновити Адама, преступлением всего истлевшаго, вселися в Тя, Чистая Деве, и родися, ключей девства не рушив, и на руках Твоих смирен Младенец, Иже Архангелов Царь ношашеся; и ныне Твою молитву приемлет и прошение Твое во всем исполняет, Богородице, яко Твой Сын и Бог, Ему же усердно молися: да спасет души наша, яко Милосерд.

Паче скинии Моисеевы, по образу Небесному сотворенная, всю Тя Бог освяти, Богородице, Духом Святым, весь вселися в Тя, всего человека оживи. Тем и твоя икона, паче Аарона кивота, наполнися благодати Божия и источает освящение душам и телесем. Ейже любезно поклоняющеся, просим от Тебе великия милости: да спасеши души наша, Благословенная Помощнице.

Ины стихиры, Преподобнаго, глас 2.

Изшед от отечества твоего, преподобне отче Ионе, и града Киева дошед, тамо у мощей чудотворец на путь спасительнаго подвига благословение

приял еси, сие убо и нам низпосли, творящим все-
святую и пречестную память твою.

Обители Саровския достиг под криле Преподоб-
наго Серафима, и великий искус в послушании
иноческих подвигов, преподобне отче Ионо, с лю-
бовию приял еси и братию твоим терпением и лю-
бовию удивил еси. Моли спастися душам нашим.

Наставлению Преподобнаго Серафима укрепля-
емь, в пустынное место Белобережския обители
вселился еси, отче, и тамо молитвенному подвигу
крепко прилежати потщился еси, и явился еси дом
Пресвятаго Духа, и лицезрения Господа и Пре-
святыя Богородицы сподобился еси. Моли Христа
Бога о всех нас.

Ины. Глас 7.

Приидите, вернии на святую гору Выдубицкую,
во обитель Свято-Троицкую, идеже угодник Бо-
жий подвижася в житии своем и от силы в силу
восхождаше, и тому ныне помолимся, да во оби-
телях Небесных водворився, молится ко Пресвя-
тей Троице о спасении душ наших.

Не может град укрытися верху горы стоя, ты
же, преподобне, аще и во склепе почиваеши не-
тленным телом твоим, обаче всех призываеши во
обитель Троицкую на гору Выдубицкую светлаго
ради праздника твоего, моля Христа Бога спастися
душам нашим.

Слава, и ныне, глас 8.

Приидите, возрадуемся державней Заступнице ро-
да нашего, Царице Богородице, приидите к тихо-
му Ея чудному, почитаемому Ангелы, честному
поклонимся образу. Дарует бо Богородица верным
обильныя дары целебныя, от неистощимаго исто-
чника святыя иконы неоскудную благодать исто-
чаючи: тьмы избавляет нас искушений и бед, и
всякаго греха, благочестно и Богоприятно просла-
вляющих и чтущих светлую и чудную Богоматере

святу́ю ико́ну. Тем, воспева́юще, воззовём Пер-
вообра́зней: ра́дуйся, любезная ми́ру по́моще во
спасение душ наших.

Вход. Прокимен дне. **И** чтения два Богородицы, а
святому еди́но.

Бытия чтение.

Изы́де Иа́ков от студенца́ кля́твен-
наго, и и́де в Харра́нь. И обрете́ ме́-
сто, и спа та́мо. За́йде бо со́лнце: и
взя́т от ка́менья ме́ста то́го, и поло-
жи́ возгла́вие себе́, и спа на ме́сте
о́ном, и сон ви́де: И се ле́ствица ут-
вержде́на на землі́, ея́же глава́ до-
связа́ше до небес, и а́нгели Бо́жии вос-
хожда́ху и низхожда́ху по ней. Гос-
по́дь же утвержда́шеся на ней, и ре-
че́: Аз Бог Авраа́мов отца́ твоего́, и
Бог Исаа́ков, не бо́йся: земля́, иде́-
же ты спи́ши на ней, тебе́ дам ю́ и
се́мени твоему́. И бу́дет се́мя твоё́ я́ко
песо́к земный, и распро́странится на
мо́ре, и Ливу́, и се́вер, и на восто́ки:
и возблагословя́тся о тебе́ вся коле́-
на земна́я, и о се́мени твоём. И се
Аз с тобо́ю сохраня́яй ты на вся́ком
пути́, а́може а́ще по́йдеш: и возвра-
щу́ ты в зе́млю сию́, я́ко не има́м те-
бе́ оста́вити, до́ндеже сотвори́ти Ми
вся, ели́ка глаго́лах тебе́. И воста́ Иа́-
ков от сна своего́, и рече́: я́ко есть
Госпо́дь на ме́сте сем, аз же не ве́-
дех. И убо́яся, и рече́: я́ко стра́шно

мѣсто сїе, несть сїе, но дом Божїи
и сїя врата небесная.

Исхода чтение.

Внїде Моисей в гору Божию Хорив: явїся же ему ангел Господень в пламени огненне из купины, и виде, яко купина горяше огнем, и купина не сгараше. Рече же Моисей: прешед узрю видение великое сие, что яко не сгарает купина? Якоже виде Господь, яко приступает видети, призвал его Господь, из купины глаголя: Моисее, Моисее. Он же рече: что есть? И рече: не приближися семо. Иззуй сапог от ногу твою: место бо, на немже ты стоиши, земля святая есть. И рече ему: аз есмь Бог отца твоего, Бог Авраамов, и Бог Исааков, и Бог Иаковль. Отврати же Моисей лице свое, стыдяше бо ся зрети пред Богом. Рече же Господь к Моисею: видя видех озлобление людей Моих, иже во Египте, и вопль их услышах от насильствующих в делех. Вем бо болезнь их, и снидох еже изъяти их от руки египтян, и извести их от земли оныя, и ввести их в землю благу и многу, в землю точашу мед и млеко.

Премудрости Соломоновы чтение.

Праведных души в руке Божией, и

не прикоснется их му́ка: Непщевáни бы́ша во очесéх безумных умрети́, и вмени́ся озлоблénие исход их: И е́же от нас шéствие сокру́шение, они́ же суть в ми́ре. Ибо пред лицéм челове́ческим, а́ще и му́ку прииму́т, упова́ние их безсмёртия испóлнено: И вма́ле наказани бývше, вели́кими благодéтельствувани б́дут, я́ко Бог искуси́ я, и обрете́ их досто́йны Себе́. Я́ко зláто в горни́ле искуси́ их, и я́ко всеплóдие жéртвенное прият я. И во врéмя посéщения их возсия́ют: и я́ко искры по стеблию потеку́т: Сýдят язы́ком, и облада́ют людьми́, и воцарит́ся Господь в них во вéки. Наде́ющиеся Нань разуме́ют и́стину, и вёрнии в любви́ пребу́дут Ему́. Я́ко благодáть и мило́сть в преподóбных Его́, и посéщение во избрáнных Его́.

На Литии, глас 2.

Я́ко вои́стину дрéвняго кивóта пречестнéе, егда́ Дави́д, собра́в чины́, ликовствова́ше, ны́не Твоя́, Богородице, ико́на, ей́же предстоя́т архиере́ев собо́ри, и чинми́ Ангел священни́цы, и все христои́менитых люде́й мно́жество досто́йно блажа́т Тя, Ма́терь Бо́жию, и прославля́ют раболе́пно, и честву́ют, и покланя́ются, и мо́лятся Тебе́ по Бо́зе: да мир умири́ши в Правосла́вии, и Це́рковь утверди́ши, и спасе́ши от всех зол Твоя́ рабы́, я́ко еди́на Благослове́нная.

Предстоя́т Ти, Госпоже́ Богородице, пред твои́м, Пречи́стая, о́бразом архиере́ев сосло́вие и свя-

щенницы и вси людіе, монаси и прости, ведуще Тя воистинну Помощницу сильну и непобедиму, моления Тебе приносити от всея души подвижают и поущают на молитву к Богу, требующе твоея помощи, да простреси Богоносныя Твоя руки и умолиши за мир. Вонми и услыши, Владычице, и подаждь утешение рабом Твоим, дондеже не одолеют ны грехи наши тяжкия и лютыя: Твоя бо всегда требуем вси помощи.

Подобаше непорочно соблюденному преподобнаго девственному телу и нетлением вечным прославиться: сие бо, добродетельми святаго онаго очищается, еще живу ему сущу, храм Святаго Духа бывает, и по преставлении его источник чудесных дарований является, имже со умилением дивящегося, ко угоднику вознесем молитву о спасении душ наших.

Слава, глас 6.

Дивный во святых Господь в житии преподобнаго Ионы прославился, и по преставлении его нетленными мощами чудодействует, и безчисленные люди веровати и уповати на помощь небесную научает. Потщимся убо, о братие, еже едино на потребу искати, и души наша покаянием очищати, преподобнаго в помощь призывающе, и в Троице воспеваемого Бога прославляти во веки.

И ныне, глас 7.

Тебе вси роди человечестии хвальныя дары приносят, Владычице, и молятся яко Царице и Матери Божии. Пророцы Тя премудро проповедаша, левити благословиша, апостоли и мученицы исповедаша, священницы поклоняются, архиерее проповедают, монаси и прости благоговейют, богатыи и убозии, сироты и вдовы, и всяк возраст, и всяко преспеяние, старческое и младенческое, под кров Твой державный с верою прибегаем: покрый и соблюди, Госпоже, молитвами Твоими и спаси

от бед ду́ши на́ша.

На стиховне, глас 2.

Вмести́лище чи́стое Свѣта пречи́стаго, Богоро́дице, ка́ко Тя, раби́, досто́йно воспева́ем, я́ко явлѣнием пречи́стыя твоея́ ико́ны и Превѣчнаго Младенца́ вся освяща́еши.

Стих: Помяну́ имя Твое́ во всякомъ ро́де и ро́де.

Дѣво Несквѣрная, Богора́дованная, что Ти когд́а таково́ благодарѣние принесѣм, я́ко блаже́ннаго Твоего́ Рожде́ства всесия́ющею луче́ю всех от тлѣния к жи́зни возвел́а еси́.

Стих: Слы́ши, Дщи́, и ви́ждь, и приклони́ у́хо Твое́.

Дѣво Госпоже́, Ма́ти Зиждите́лева, Небесных еси́ чино́в ра́дование и челове́ческому ро́ду благосло́венная Помо́щнице, моли́ о спасѣнии душ на́ших.

Слава, глас 6.

Преподо́бне о́тче, во всю зѣмлю изы́де вещ́ание исправлѣний твои́х, тѣмже на небесѣх обрѣл еси́ мзду трудо́в твои́х: дѣмонская́ разори́л еси́ по́лчища, и дости́гл еси́ чино́в Ангельских, ихже жити́ю непоро́чно поревнов́ал еси́. Дерзнове́ние имѣя ко Христу́ Бо́гу, мир испроси́ душ́ам на́шим.

И ныне, глас 5.

Воспоѣм, лю́дие, свѣ́тло Дави́дскую пе́снь Отрокови́це, Невѣ́сте Бо́жии и Ма́тери Царя́ Христа: предста́ Цари́ца одесну́ю Тебе́, Влады́ко, ря́сны златы́ми оде́яна и преукраше́на Божѣ́ственными благоле́потами. Сию́ ўбо я́ко избра́нную и до́брую в жена́х, па́че всего́ ми́ра удобри́в, благоволи́л еси́ роди́тися из Нея́ вели́кия ра́ди ми́лости, и Сию́ Помо́щницу лю́дем Твои́м даровал еси́ спаса́ти и покрыв́ати от бед всемо́гущею Твое́ю и Божѣ́ственною си́лою, Ея́же моли́твами, Христе́ Бо́же, поми́луй нас.

На благословении хлебов тропарь, глас 4, дважды:

Заступнице усёрдная,* Мати Господа Вышняго,* за всех молиши Сына Твоего Христа Бога нашего* и всем твориши спастися,* в державный Твой покров прибегающим.* Всех нас заступи, о Госпоже Царице и Владычице,* иже в напастех и скорбех, и в болезнях,* обремененных грехи многими,* предстоящих и молящихся Тебе* умиленною душею и сокрушенным сердцем,* пред пречистым Твоим образом со слезами,* и невозвратно надежду имущих на Тя* избавления всех зол.* Всем полезная даруй* и вся спаси, Богородице Дево:* Ты бо еси Божественный покров рабom Твоим.

И святому тропарь, глас 8, единожды:

Днесь возсия нам память твоя, славно,* яко солнце, светозарно лучами озаряющая мир* и тьму ноши злых духов от нас отгоняющая*. Днесь Небесныя силы святых Ангел* и души праведных мысленно торжествуют, радуются*. Днесь и мы, грешнии, припадающе, молимся*: отче преподобне Ионо,* Христа Бога моли непрестанно* спасти обитель Живоначальныя Троицы,* и град и люди, любезно тебе почитающия.

НА УТРЕНИ

На Бог Господь тропарь Богородицы, дважды.
Слава, преподобному, **И** ныне, Богородицы.

По 1-м стихословию седальны, глас 3.

Людие благочестивии, правовернии собори хри-
стоименитии, приступите верно вси, Божествен-
ному припадающе Божия Матере образу: Тая бо
исцеление болящим радостно подаёт, уязвляет же
злославныя, яко стрелá от лука, нас всех веселит
световидно и благодатию озаряет молитвами Сво-
ими.

Слава.

Всю Тя Бог освяти, Деву Добрую и Непороч-
ную в женах, пророки прообразив честно, иереи
благословив, во святая святых всели, Ангелом вос-
пита, с Небесé пищу хлеб подай. Сам же Пребла-
гий, Единородное Бог Слово, вселися в Тя и плоти
пройде из Тебé. Тёмже Ти поклоняемся и
чем, яко воистинну истинную сущую Богороди-
цу.

И ныне, глас 4.

Да ликовствует светло верных все множество,
рыдаёт же демонское воинство, видяще многоимен-
ныя сияющия праздники Божия Матере, улажда-
ему Божию Матерь Божественными песньми, иде-
же бо Богоприятно славится Преблагословенная
Богородица Владычица, Богоизбранная Отроко-
вица, неприязни падение, христианом же крепкое
утверждение.

По 2-м стихословию седальны, глас 8.

В житий твоём, угодниче Христов, постом и труды
тело твоё изнурил еси: сего ради по смерти твоей
нетлением процветё и источник исцелений верным
бывает. Моли прилежно Христа Бога спастися ду-
шам нашим.

Слава, и ныне, глас 4.

Всеблагословенная Богородице Владычице, Богоизбранная Отроковице, светлое пророческое событие, апостольская похвало, и мученическое исповедание и венче, Ангелы чтима и человеческими роды многопетая, и всего мира возжеленная Помощница, избави рабы Твоя осуждения будущего и езера огненного, едина Благословенная.

Величания два, Богородицы и Святого.

По полиелеи седален, глас 8.

Пастырскую мудрость смиренномудрием стяжав, многим был еси учитель: монахам отец, и скорбящим утешитель, и молитвы Иисусовы неумолкающий орган. Темже мощей нетлением прослави Тя Мздовоздатель Господь, Егоже непрестанно моли прегрешений оставление даровати чтущим любовию святую память твою.

Слава, и ныне, глас 1.

Пречистая Твоя икона, Богородице Дево, врачевство всему миру духовное, к нейже прибегающе, Тебе поклоняемся и почитаем, и лобызаем, и чтем, исцелений благодать почерпающе от нея, и недуг телесных и душевных страстей Твоими молитвами свободяемся.

Степенны 4 гласа, 1-й антифон.

Прокимен: **П**омяну имя Твое во всяком роде и роде.

Стих: **О**трыгну сердце мое слово благо:

Евангелие Луки зачало 4.

По 50-м псалме: **С**лава, **М**олитвами преподобного отца нашего Ионы:, **И** ныне, **М**олитвами Пресвятыя Богородицы:.

Стихира глас 6:

♦ Всепётая Мати,* умилощёрдися на моление наше,* Твоё бо есмы достояние,* всех спаси и помилуй,* да Тя вси рóди непрестáнно величаём.

Канон Богородицы, глас 4.

Ирмос: Отверзу уста моя:

Благоговёют Ти, Богородице, Ангелов начальницы, и святых чини честно служат, праведнии красуются. Небесных Ходатаицу блажат Тя. Купно же и земля и Небо в веселии светло восхваляют Тя, и мы, грешнии, милости просим: озари наша сердца, Владычице, воспети песнь святых Твоея иконы явлению.

Приидите, соберитесь, христоименитии людие, умы тайно очистившися, во святую церковь Матере Христа Бога Нашего: источает бо нам неоскудно от святых иконы источник духовен, целебен душам и телом, песнь вопиющим: благословен из Тебе рождётся Бог наш.

Дивит, Пренепорочная, и ужасает всяк слух странно чудо Божественнаго Твоего Рождества: како Херувимскаго Творца зачала еси; како Огнь нестерпимый во утробе носила еси; како Сущую Жизнь плотию облекла еси и Живот всему миру родила еси, Бога купно и человека.

Под кров Твой, Дёво Госпоже, прибегаем вси рóди человечести: просвети ны светом Рождества Твоего, грешныя рабы Твоя, молящися прилежно и кланяющися пречистей Твоей иконе, просяще от Тебе прияти великия милости.

Ин канон, Преподобнаго, глас 8.

Ирмос: Колесницегонителя фараоня:

Христа нас ради волею смирившася, даже до

ра́бия о́браза подража́в, возлюбил еси́ смире́ние, и зельным бде́нием и моли́твами, душегубныя стра́сти умертвив, на го́ру безстра́стия возше́л еси́, Ионо пребогате.

Яко свети́льник све́та, твою́ ду́шу слезными пото́ки украша́я, и друго́го Исаа́ка подобно сам себе́ вознесл еси́, Преподо́бне, и се́рдце твоё Бо́гу поже́рл еси́.

Весь от ю́ности Бо́гу освяти́лся еси́, к Немю́ добродетельми приближа́ясь: тле́нная бо я́же на землі оста́вив, небе́сное обре́л еси́ бога́тство.

Богородичен: **З**ако́нов кроме́ естество́нных роди́л еси́ Законода́вца Бо́га и Челове́ка бы́вша, Того́ я́ко блага́ моли́, Всенепоро́чная, на́ша беззако́ния презре́ти, вопию́щих всегда́: поим Го́споду, сла́вно бо просла́вился.

Катавасия: *Отверзу уста моя:*

Песнь 3

Ирмос: *Твоя песнословцы:*

Кюю́ Ти досто́йную похвалу́ на́ше принесёт ко́нечное немо́жение, я́ко явлéнием пречисты́я Твоея́ Божество́нныя ико́ны незави́стныя исто́чники целе́бныя исто́чаеши ве́рно прибега́ющим к Тебе́ рабо́м Твои́м.

Божество́нныя Твоея́ ико́ны свято́е явлéние, Богороди́це Де́во, я́ко светоза́рное возсия́ нам со́лнце, пресла́вных чудес́ лучи́ пу́щающи, тьмы́ лю́тых обстоя́ний отгоня́ющи священными́ Твои́ми, Влады́чице, предста́тельства.

Исполни́ла еси́ благода́ти иногда́ первопи́санную Твою́ ико́ну, Госпоже́ Де́во Богороди́це, и ны́не та же благода́ть истинству́ет сия́нием ве́ры чудес́, я́ко тоя́ ра́ди первопи́санныя, ко спасéнию ве́рно к Тебе́ по Бо́зе прибега́ющим.

Покля́емся, Богороди́це, Твоему́ пречистому́ о́бразу и пресла́дкому Твоему́ Младенцу́, превече́-

ному и незаходимому Свету, Христу, Имже спасла еси от лютых зол и тления смертного все человеческое естество.

Ин.

Ирмос: *Утвержей в начале:*

Благих образ тебе дав твоим учеником, и привлек еси многи души во спасение, отлучившихся земного пристрастия, иже утешения улучиша райского наслаждения.

Яко доброплодная маслина в дому Божии, блаженне, процвел еси, и едем умащая души, любвию ты поющих, преблаженне Ионо, и верою Христу вопиющих: несть свят паче Тебе, Человеколюбче.

Страсти душеленныя успил еси бодренными бденими, блаженне: и сих ради в чертог небесный вселился еси, прием Богомудре Ионо, благодать исцелений.

Богородичен: **Х**ерувимов и Серафимов превышши явилася еси, Богородице: Ты бо едина прияла еси невместимаго Бога во чреве Твоем, нескверная. Темже Тя вси вернии песньми, Чистая, уболажаем.

Кондак Преподобнаго, глас 8.

Яко безплотным равножителю всех преподобных превзошел еси постническими труды и бденими молитвенными, мудре Ионо, тем восприял еси от Бога исцелити недуги и прогнати бесы и того ради вопием ти: радуйся, отче преподобне Ионо.

Седален, глас 4. Подобен: Вознесыйся:

Яко воистинну тленных оставив нестойнное, Христу от души последовал еси, и болезнями и труды и зельным воздержанием, яко безплотен пожив, преблаженне Ионо: моли Христа Бога, спастися душам нашим.

Слава, и ныне, глас 8.

Божественнии Сло́ва апостоли, Евангелія Христо́ва велегласнии вселенныя благовестницы, Божественную Церковь создавше в пресвятое Твое́ имя, Богородице, и к Тебе́, Госпоже́, приходят, моляще Тя приити́ на тоя́ освящение. Ты же, о Богома́ти, рекла́ еси́: идите с миром, и Аз с ва́ми та́мо есмь. Онѝ же, шедше, обрета́ют та́мо на стѣне́ цѣркве Твоего́, Владычице, о́браза, подобие, Божественною́ писано́ силою шаро́вными подобии, и, видевше, поклонѝшася Ти и просла́виша Бо́га. С ними́же и мы Божественней тво́ей поклоня́емся ико́не, просяще от Тебе́ вели́кия мѝлости: да́руй согрешѝний оставлѝние рабо́м Твоѝм, Еди́на Благословѝнная.

Песнь 4

Ирмос: *Седя́й в славе:*

Почтѝм, лю́дие, Чѝстыя в чистоте́ ико́ну Дѣвы Богороди́цы и То́я Божественнаго Младѝнца, Христа́ Бо́га на́шего, и лобыза́ем и прославля́ем со стра́хом и трѣпетом: почита́ем бо ико́ну благоче́стно, па́че же почита́ем Са́мую Ту́ю су́щую Чѝстую Богома́терь.

Давѝд, Божественный и чу́дный проро́к, изда́леча провѝдя, глаго́ла: лицу́ Твоему́ помо́лятся бога́тии лю́дстии. Мы же, ве́рнии, поклоня́емся и лобыза́ем честну́ю ико́ну, душа́ми кúпно и телесы́ освяща́ем.

Евангелія Христо́ва Богогласный́ списате́ль Лу́ка Бо́жиим мановѝнием всенепоро́чный Твоѝй напи́сует о́браз, Богороди́це, и Младѝнца Превѝчнаго на рука́х Твоѝх вообразѝв, к нему́же притека́ющия напáстей и бед изба́вляеши, и вся покрывáеши, и спаса́еши Тво́ею мѝлостію.

Ты еси́ похвало́ и венѝц святы́м всем, о Цари́це! Ты упова́ние на́ше и Помо́щница по Бо́зе, и на Тя наде́жду спасѝния на́шего возложи́хом вси. Тебе́

мо́лимся я́ко Бо́жии Ма́тере: одожди́ грѣшным ра-
бо́м Твои́м богáтыя Тво́я душеспаси́тельныя ми́-
лости.

Ин.

Ирмос: Ты моя крепость:

Ду́ха Пресвята́го храм, о́тче, был еси́, и жи́з-
ненных вод река́ исполняема, основáние непоко-
лебимо́ Цѣркве, мона́шествующих утверждѣние,
И́оно досточудне.

Прорóчески слѣзными ка́плями на всяк день по-
стѣло омочáя, И́оно сла́вне, дóндеже до конца́ стра-
стѣй пучи́ну изсуши́л еси́: тѣмже пáмять твою́ по-
чита́ем, присночестну́ю и свящѣнную.

Лице́ Христо́во лицѣм, Преподóбне И́оно, зрѣти
сподóбился еси́, зерка́лом войстинну разрешши́м-
ся: си́е бо и от мiра отлучи́ ты к возлю́бленному
желáнию.

Богородичен: Очищѣние нáших дáруй невѣде-
ний, я́ко безгрѣшен, и умири́ мир Твой, Бо́же,
моли́твами Ро́ждшия Тя.

Песнь 5

Ирмос: Ужасошася всяческая:

Вся́ко, Пречи́стая, существо́ воспѣти недоуме́ет
Тя, па́че бо Го́рних умов превозвы́силася еси́, ро́ж-
дши непристúпнаго и страшнаго Всецаря́ и Бо́га,
но, я́ко Ми́лостива и скорáя челове́ком Помо́щни-
ца, вонми́ молѣнию раб твои́х и дáруй Твою́ по-
мо́щь.

Безочѣсным слáдкое зрѣние да́ется, глухíм слы́-
шание, немýм благоглаго́лание, хромýм хождѣ-
ние, прока́женным очищѣние, дѣмонствуемым це-
ломудрие и в болѣзнях сýщим различных исцелѣ-
ние осенѣнием Пречи́стыя Твоея́, Богорóдице, ико́-
ны.

Не умолчи́м никогда́же, Богорóдице, псалмы́ и

пѣсньми воспевати величія Твоя, Обрадованная: Бóга бо войстинну воплотившагося родила еси, во спасѣние наше всемирное и избавлѣние.

Ин.

Ирмос: *Вскую мя отринул:*

В пощѣниях непреклонен пребыл еси, мѹдре, и до отшѣствия своего храня сие опасно, имже сподобился еси яве нетлѣннаго блаженства.

Остр ум имѣя к Бóгу внимати, страсти душеплѣнныя успил еси, отче, и снопы благоплодія пожал еси, питаая благочѣстно восхваляющія тя, Преподобне отче Ионо.

Свѣтло житіе твоѣ, Преподобне Ионо, и известно всем концѣм явися, и Божѣственныя доброты исполнено, молитвами же и пощѣнми, и любовию, яже ко Христу Человеколюбцу.

Богородичен: **Т**я стѣну имѹще, и заступлѣнием Твоим соблюдаеми, Твоею Божѣственною славою хвѣлящися, Тя ублажаем: Ты бо, Пречистая, душам нашим источаеши весѣлие и радование.

Песнь 6

Ирмос: *Божественное сие:*

Божѣственнаго Твоего Рождества, Дѣво Госпоже, пребогатая благодать, юже дрѣвле изглашеніем предала еси пречистому Твоему образу, неоскѹдне дѣйствовати великая же и преславная во спасѣние на Тя надѣющимся.

Идѣже прославляется святѣе имя Обрадованная Богородицы, тамо всяческих благих источницы проливаются; приидите в чистотѣ, человецы, се бо явлѣние Божѣственныя Дѣвы иконы сказует Царицы пришествіе во спасѣние всех верных.

Целѣния болѣзней, отгнаніе же страстей и душепитательное спасѣние, грехов прощѣние и вѣчное избавлѣние от пречистыя Твоея иконы, Вла-

дычице, вѣрно приходяще, приѣмлем, Богомати Всенепорочная.

К Тебѣ, Госпожѣ, прибегаютъ рѣди правовѣрныхъ, просятъ великія милости и приѣмлютъ неоскудно сущи въ недугехъ исцелѣніе, въ страстѣхъ пременѣніе, въ печалѣхъ утѣшеніе. Источй и мнѣ, Владычице, каплю душеспасительную, да со всеми и азъ пою Твое величіе.

Ин.

Ирмос: *Очисти мя, Спасе:*

Памѣть твою творящимъ священную, отче, не престай моля Избавителя, даровати согрешений оставленіе, и Небесное Царство воспріяти. Идѣже гласъ празднующихъ веселитъ мя.

О Христѣ укрепляемъ, вся коварствія лукаваго, твердымъ умомъ, Ибо, якоже сеть расторгнулъ еси, и пресвѣтло свѣтило миру, отче, показался еси.

Свѣтомъ Божественнымъ осияемъ, и со Ангелы нынѣ на небесѣхъ водворяясь, поминай вѣрою чтущихъ память твою, Преподобне Ибо приснопамятне.

Богородичен: **В**озвысила еси воистинну падшее человеческое существо, иже образомъ Божественнымъ, и Отца равенствомъ, видимымъ Сыномъ неизменнымъ, Богомати, без семени во чреве поносивши.

Кондак, гласъ 8. Подобенъ: **В**збранной:

Притецемъ, людие, къ тихому сему и доброму пристанищу, скорой Помощнице, готовому и теплomu спасенію, покрову Дѣвы, ускоримъ на молитву и потщимся на покаяніе: источаетъ бо намъ неоскудныя милости Пречистая Богородица, предваряетъ на помощь и избавляетъ отъ великихъ бедъ и золъ благонравныя и Богобоящіяся рабы Своя.

Икос:

Смыслъ очистивше и умъ, притецемъ къ Богородице,

свѣтло пѣсньми ублажающе Ю, и пречистую икону Ея прославляем и чтем, и, припадающе, покланяемся яко Самой сущей оной: честь бо иконы на Первообразное восходит, и почитаяй и покланяйся ей почитает самое Первообразное, якоже Божественный отцы рекша. И аще кто не чтет Пресвятыя Богородицы и не покланяется иконе Ея, анафема да будет: посрамляет бо и погубляет не чтущия Ю, избавляет же от великих бед и зол благодетельныя и Богобоящияся рабы Своя.

Песнь 7

Ирмос: *Не послужиша:*

Приидите, почерпем отпущение от неистощимаго источника, точащаго святыню Пречистыя Девы и Той Пречистаго Младенца, Божия Слова, нас ради вочеловечшагося. К Немю возопиим: Творче Избавителю, препрославленный со Отцем и Духом, Боже, благословен еси.

Неусыпную, Чистая, и Богоприятную имущи молитву, и непреодолеемую державу крепости, врагов наших дерзость, яже на ны, разоры и выя их под нозе верному народу нашему низложы, да возвеселимся о Тебе, рабы, Сыну Твоему вопиюще: отец наших Боже, благословен еси.

Радуюемся и веселимся, вернии людие, чудному явлению иконы Пречистыя Владычицы Богородицы: река бо явися неисчерпаема, целебную воду точащи, слепым бо видети дает и глухим слышание, хромым хождение и всем сущим в недужех безмездное исцеление.

Неиспытана глубина, неведомо таинство, непостижим образ, Дево, зачатия Твоего, зачатия без семени, без мужа рождество. Безплотный воплотися, Превечный младенствует, Сын Божий, Сын Тебе, Девы, бывает, Емуже вопиём: Боже, благословен еси.

Ин.

Ирмос: *Божия снизхождения:*

В пещи́ искуше́ния разжже́ния Божество́нная благодать ороси́ тя, Преподо́бне, и многосвѣтла Трои́ческим желáнием показá, зову́ща: благословѣн Бог оте́ц на́ших.

Мир преоби́дев, сла́вне Ио́но, на земли́ я́ко безплóтен пожи́л еси́, и а́нгельским ликостоя́нием сподобил́ся еси́. Тем ты ве́рою почита́ем, досточу́дне.

В приста́нище ти́хое вше́д, Богому́дре, житей́ских пла́ваний отвѣргл еси́, и волну́ющимся житей́скими спаси́тельное окормлѣние был еси́, воспева́ющим: благословѣн Бог оте́ц на́ших.

Богородичен: **Ж**езл прорасте́, Де́во, из ко́рене Иессее́ва всеблаже́нный плод, цвет нося́щи спаси́тельный, ве́рою Сы́ну Твоему́ вопию́щим: отцев́ на́ших Бо́же благословѣн еси́.

Песнь 8

Ирмос: *Отроки благочестивыя:*

Ум А́нгельский и челове́ческий ужа́сается, Богороди́це, как Бо́га Небе́снаго ложесна́ми объе́мши, воплотила́ еси́, ка́ко, Младенца́ ро́ждши, я́ко Сы́на на руку́ но́сиши Егóже ужа́сается тварь и трепещу́т Го́рнии Престо́ли, вопию́ще непреста́нно: Свят, Свят, Свят еси́, Бо́же, препе́тый и превозно́симый во ве́ки.

Ра́дуйся, су́щая ра́досте́ всего́ ми́ра, со Арха́нґелом Гаври́илом вопие́м Ти, Богороди́це; ра́дуйся, вмести́лице Невмести́мага; ра́дуйся, Благода́тная, носило́ Божества́ всего́; ра́дуйся, Ада́мово воззва́ние, с Тобо́ю Господь, и Тебе́ ра́ди с нами́, спаса́я нас, Егóже пое́м и превозно́сим во ве́ки.

Ко́рень Иессее́в освяще́нный, ко́рень греха́ на́шего исторгну́ла еси́; жезл Ааро́нов процвѣ́тший, Жизнода́теля цвѣ́та израсти́вши Христа́; ста́мно ма́нноприемная, сме́рти всю си́лу сокруши́ла еси́

и в поро́ду жи́зни возвела́ еси́ род челове́ческий: те́мже Тя поём, до́брых вино́вную.

Ты похвала́ христиа́ном еси́, Влады́чице, Ты ору́жие на враги́ и стена́ к Тебе́ прибега́ющим. Тя и ны́не на по́мощь призыва́ем, Госпоже́, не да́ждь враго́м вознесты́ся на лю́ди Твоя́, и́же тебе́ не хва́лят, ни Сы́на Твоего́, Богоро́дице, и Твое́й ико́не не кла́няются: сих победи́ и ду́ши на́ша спаси́.

Ин.

Ирмос: *Седмерицею пещь:*

Светоно́сный твой пра́здник, преблаже́нне Ио́но, испо́лни ра́дости и весели́я духо́внаго, благоуха́ния же и просвеще́ния, ты имущим засту́пника и пра́вило мона́шествующим.

Моли́твою непреста́нною к Бо́гу восте́кл еси́, и оттúду Трисо́лнечными сия́нии озари́лся еси́, на враги́ борения́ поста́вив, приводя́ постников собо́ры но́вым жити́ем, Христу́ вопи́ющим: де́ти благослови́те, священни́цы воспо́йте, лю́дие превозносите́ Его́ во ве́ки.

Благословим Отца и Сына и Святаго Духа Господа.

В поще́ниях крѣпкое, в моли́твах неле́ностное терпѣние во искуше́ниях, Ио́но, на земли́ показáл еси́, зовы́й: де́ти благослови́те, священни́цы воспо́йте, лю́дие превозносите́ Его́ во ве́ки.

Богородичен: Богороди́тельнице Чи́стая, ду́ши моея́ язвы грехо́вныя и собла́зны очисти́, ко исто́чником примеша́ющи, я́же из ребр Рождества́ Твоего́, и́же от них поте́кшим струя́м: к Тебе́ бо взыва́ю, и к Тебе́ прибега́ю, и Тя призыва́ю, Богоблагодáтную.

Песнь 9

Ирмос: *Всяк земнородный:*

Тебе́, твёрдую Помо́щницу ро́ду челове́ческому,

Богородице Мари́е, лик проро́ческий многообра́зно провозвести́, сень святу́ю, Небес протра́ннейшую, скрижа́ль Богопи́санную и купину́ неопали́мую, дверь Богопрохо́дную, го́ру же и ле́ствицу, и мост, и жезл процвѣтши́й: мы же вои́стину Бого́родицу Тя велича́ем.

Та́йна глубины́ Рожде́ства Твоего́ ум Ангельский ужа́сает, Де́во, и пречи́стая ико́на де́моны прого́нит, и лица́ нечести́вых омрача́ет, и в студ порева́ет: не терпят бо взира́ти на си́лу ея́, бе́гают же и исчеза́ют. Мы же любе́зно покланя́емся и лобыза́ем, и Тя, Богороди́цу, велича́ем.

Предста́тельница су́щи неотсту́пна к Вы́шнему Царю́, я́ко иму́щи ма́терне дерзнове́ние непосты́дно, в ми́ре глубо́це правосла́вных жити́е утверди́ и оте́чество на́ше возвы́си, и вся поле́зная да́руй всегда́ рабо́м Твои́м, да Тя, Богороди́це, велича́ем.

Всемі́лостивая христиа́ном Помо́щнице, не мо́жет Тя воспѣти досто́йно ум челове́ческий и Ангельский, я́ко всея́ тва́ри честне́йши, Небесных и земных сла́внейши: всех бо родила́ еси́ Творца́ и Бо́га, но, о Влады́чице, приими́ ми́лостивно ю́же Тебе́ от се́рдца возложихом песнь, спаса́й нас всегда́, на Тя бо наде́емся.

Ин.

Ирмос: *Ужасеся о сем небо:*

Светоявле́ния духо́внаго испо́лнен быв, Преподо́бне Ио́но, светильник сия́я изда́леча яви́лся еси́, словесны́я за́ри нам облистая́, и Пребоже́ственные Тро́ицы жили́ще показале́ся еси́.

Душетле́нныя стра́сти победив, я́ко па́стырь и́стинный уна́сл еси́ словесное Христо́во ста́до, е́же вы́ну благода́тию Ду́ха я́ко цветы райския пита́я, Преподо́бне.

Очи́сти на́ша согреше́ния, Сло́ве, и просвети́ о́чи се́рдечныя, е́же чи́сто зре́ти Твою́ све́тлость Бо-

жѣственнаго светолїтїя, молїтвами Твоего угодника Іо́ны, да Тя вси велича́ем.

Богородичен: Псалмы́ Тя воспева́ем, Обра́дованная, и немол́чно Ти, е́же ра́дуйся, вопи́ем: ты бо источїла еси́ всем ра́дование.

Светилен:

Процвѣл еси́, яко фїнікс Давїдски, о́тче, и обитель явїлся еси́ Ду́ха Всесвята́го, и́же сла́вна ты вселѣнной показа́, о нас непреста́нно Христа́ моли́, почита́ющих ве́рою пречестну́ю па́мь твою́, Преподо́бне Іо́но.

Слава, и ныне:

Да почтїтся Всепѣтая Ма́ти Бо́жия, Жизнь Су́щую ро́ждши, Христа́ Бо́га на́шего, ра́йских двѣрей отверзѣние и всего́ міра очищѣние, к животу́ возведѣние: Сей есть проро́ком глаго́лавый, Тому́ поклонїмся, Бо́гу и Спа́су душ на́ших.

На хвалитех поставим стихов 6 и поем стихиры Богородице, глас 4:

Просла́вим, ве́рнии, Обра́дованную Богороди́цу, па́че же во устех на́ших и́мамы всегда́ свято́е и благословѣнное и́мя Ея́, непреста́нно прибега́юще к пречїстей Ея́ и цельбоно́сней ико́не: то́ю бо обрета́ем я́же на землі́ вся́ бла́гая и полѣзная и су́щих на возду́се от де́монов запина́ний избавля́емся, яко́ Ма́ти, ро́ждшая всех Творца́, спасѣт от бед ду́ши на́ша.

Да рыда́ет вѣчно сонм злочестївых, не испове́дающих Тя в рождествѣ Чїстую Богороди́тельницу и не поклоня́ющихся пречїстей твое́й ико́не. Ве́рнии же лю́дие, ра́дующеся, испове́даем тя и́стинную Дѣву Богороди́цу, яко́ вои́стину родила́ еси́ пло́тию Христа́ Бо́га на́шего, тлѣние Ада́мово попра́ла еси́ и от греха́ весь мир очїстила еси́, жизнь безконѣчную дарова́ла еси́, ра́йский вход ве́рным отвѣрзла еси́ Божѣственным Твоимъ Рождествомъ;

Егѡже моли спастіся нам, поіющим вѣрно Твое таинство.

Радуется ѹбо и веселится неизреченною радостію все множество благочестивых: припадающе же поклоняются, вси благоговѣют Божіи Матери с боязнію, благодаряще Сію по Бѡзе яко Бѡга, толиких превеликих благ Ходатаицу, в няже желают Ангели приникнути, дарова Богородицею вѣрным Христѡс Бог наш, имѣяй премножество щедрѡт и великую пребогатую милость.

Ины стихиры, преподобнаго, глас 6.

Богонѡсе преблаженне ѡтче наш Ионо, міра красоты и сладости временныя возненавидев, монашеское житіе возлюбил еси и Ангельскому лику сопричтался еси. Темже и светильник многосвѣтлый вселенней чудесы дивно сияеши. Моли ѹбо о нас, совершающих святую память твою, мы бо чада твоя и овцы словеснаго стада твоего, тебе на помощь призываем, просяще тобою прияти мир и велию милость.

Богонѡсе преблаженне Ионо, все плотское мудрование дѹху повинул еси, пощени и сокровенными подвиги очистився, яко злато в горниле искушено сияя явился еси, приятелище быв Дѹха Пресвятаго. Обитель же иноческую благоустрояя и храмы Божія благолѣпне украшая, добре овцы твоя словесныя упасл еси, учеными твоими якоже некоею лѣстницею на высоту добродѣтелей возводя. Поминай нас, чтущих память твою присносвященную, и моли спастіся душам нашим.

Возсия нам богоугѡдное житіе твое, преславне Ионо, поучая нас боголюбѣзным добродѣтелем, всем бо явил еси в себѣ подвигов иноческих и воздержанія зеркало, любви же и смиренія сокровище неистощимое. Темже чтуще святую память твою, тебе венчавшаго Христа прославляем, Егѡже моли о спасеніи душ наших.

Слава, глас 6. **П**одобен: **В**се отложше:

Восхва́лим днесъ пѣсньми чудотворца пресла́внаго, егѡже Христѡс Цѣркви Своѣй дарова, извествѣя и́стину вѣры на́шея правосла́вныя, ко обличѣнию сѹетная мѹдрствующих и ко вразумлѣнию заблужда́ющихя. Рáдуйся, Преподѡбне отче нашъ Ио́но, небесе́ церко́внаго звездѡ пресвѣтлая; рáдуйся, Ма́тери градѡв рѹсскихъ чѹдная похвалѡ. Рáдуйся, всехъ болящихъ и скорбящихъ скѡрый и мѣлостивый утѣшителю; рáдуйся, тѣплый моли́твенниче о душа́хъ на́шихъ.

И ныне, глас 8.

Свята́я Твоя́ и сообразная ико́на, Богородице Де́во, благодáтию Твоею пребогáтый сѹщий исто́чник, кипящий всей подсолнечней и светя́щий всему́ мѣру светолѹчными Свята́го Дѹха сия́ньми и исцелѣний светлостью́. Ты бо Бо́га Сло́ва плѡтию нескáзанно родила́ еси́, от Арха́нгела Гаври́ила сицева́я слы́шавши: рáдуйся, обра́дованная, Господь с Тобо́ю, и Дух Святы́й осенитъ Тя к зачáтию. Та́коже рекла́ еси́ к первописа́нной Твое́й ико́не, на ту зря́щи: с то́ю Моя́ благодáть, и сло́во Твое́ со вла́стию ико́не бысть. И о́браз, и гласъ и си́ла, и дѣло, и всякъ ум превосходя́щая Божѣственная благодáть, спребыва́ющи вѣчно, зна́мения и чудеса́ непреста́нно содева́ет и душепо́лезное исцелѣние всемъ вѣрно приходя́щим пода́етъ Тво́ими Богома́терними непреста́нными к Бо́гу моли́твами.

Славословие великое. **Т**ропарь прежде святому, **С**лава, **И** ныне, Богородице.

Ектении и отпуст.

На всехъ часахъ тропарь Богородицы, **С**лава, Святому.

Кондаки же глаголи Богородице в часъ 1-й и 6-й, а Святому в 3-й и 9-й.

На Литургии Блаженна на 8: Богородицы канона

глас 4 песнь 3 на 4, и Преподобнаго канона глас 8 песнь 6 на 4.

На входе поем: Молитвами Богородицы.

По входе же тропарь Богородицы, и Святаго, Слава, Святаго кондак, И ныне, кондак Богородицы.

Прокимен глас 3 песнь Богородицы: **В**ели́чит душа́ моя́ Го́спода:, и Преподобнаго глас 7, **Ч**естна:.

Апостол, к Филиписием, 240 зач., и Преподобному к Галатом, 213 зач.

Евангелие, Лк 54 зач., и Мф 43 зач.

Причастен Богородицы и Преподобнаго.

МОЛИТВА

Земна́я звездó чудéсная, я́же от преде́л Кі́ева гра́да возсія́вшая, и све́щнице живы́й, и́же всю зéмлю Русі́ Святы́я свéтом правды́ Бо́жия осіява́яй, преді́вны́й в по́стницах уго́днице Бо́жий, о́тче Ио́но, преподо́бных у́бо радование, Це́ркве Ру́сския украше́ние, ве́ры Правосла́вныя крѣпкое утвержде́ние, ско́рый помо́щнице к тебе́ с ве́рою и любóвию притека́ющим и вели́кий пред Го́сподем о всех нас предста́телю! Приими́, преблаже́нне, моле́ния на́ша и умоли́ Христа́ Бо́га на́шего, я́ко да вси, тобо́ю невидимо охраня́еми и сою́зом бра́тския любве́ связу́еми, лю́дие словéнскіи в мі́ре пребыва́ют и благоче́стии, и да избавит их Госпо́дь от враг ви́димых и невидимых, от наше́ствия иноплеме́нник, от недуга́ и гла́да, от вся́кия ско́рби и вся́каго зла. Предста-

ящим же zde и молящимся пред честною ракою мощей твоих испроси, подобне, у Господа нашего Иисуса Христа вся, яже ко спасению прошения, да вси с тобою непрестанно прославляем всесвятое Имя Отца и Сына и Святаго Духа, ныне, и присно, и во веки веков.

Зри, яко сей праздник отдания не имеет.

Зри, аще праздник сей прилучится в субботу, и тогда поем в Воззвахи на И ныне Догмат отходящаго гласа, Богородице же стихиру поем на славу. А Святому стихира оставляется. И сим образом совершаем честь субботе.

Аще же праздник сей прилучится в Неделю, на Господи Воззвах поставим стихов 10 и поем: Воскресны приходящаго гласа 3, Восточну 1, Богородицы 3 глас 8, и святому 3 глас 2, а ины стихиры святому оставляем. Слава, святому, и ныне Догмат приходящаго гласа. Вход. Прокимен дне. И чтения Богородице 2 и Святому 1. На литии поем стихиру храма, и Богородицы 2, и Святаго 1, Слава, Святаго, и ныне, Богородице на ряду. На стиховне поставим воскресны стихиры настоящаго гласа, Слава, Святому, и ныне, Богородице. На благословении хлебов тропарь Богородице 2, и Святаго 1. На Бог Господь поем тропарь воскресен настоящаго гласа 2, Слава, Святаго, и ныне, Богородицы. По кафисмам седальны воскресны настоящаго гласа. Полиелей. Величания 2: Богородице и Святому без стихов. Тропари по Непорочнах. По полиелеи: Ипакои гла-

са, седален Святаго по полиелеи, Слава, и ныне, Седален по полиелеи Богородице. Степенны антифоны и Прокимен гласа. Евангелие воскресно от столпов. По 50-м псалме воскресно обычно. Каноны: воскресен и Богородицы и Святаго. Имеем обычай пети зде Воскресны 3 и Богородицы 3 и Святаго 4. Катавасия Отверзу уста:. По 3-й песни кондак и икос Богородицы, седален Святаго, Слава, и ныне, седален Богородицы. По 6-й песни кондак и икос воскресны настоящего гласа. На 9-й песни поем Песнь Богородицы и припеваем Честнейшую. По 9-й песни Свят Господь Бог наш настоящего гласа. Ексапостиларий воскресен от столпов, Слава, светлен Святаго, и ныне, Богородице. На Хвалитех поставим стихов 8 и поем стихиры воскресны настоящего гласа 4, и Богородицы 3, и Святаго славник 1, Слава, стихира евангельская от столпов, и ныне, Преплагословенна. Славословие великое. По Трисвятом тропарь воскресен. На часах тропарь воскресен настоящего гласа, слава, Богородице и Святому пременяем. Кондаки Воскресен, Богородице и Святаго пременяюще. На Литургии Блаженна гласа 4 и Богородицы 3-й песни 4, и Святаго 6-й песни 4. По входе тропарь Воскресен гласа и Богородицы и Святаго. Кондаки Воскресен, слава, Святаго, и ныне, Богородицы. Прокимен воскресен и Богородицы. Апостол и Евангелие воскресны гласа и Святому Мф 10 под зачало, и Богородице Лк 54. Причастен воскресен и Богородицы. По отпуске — славление Святаго.

